



Ժ. ՓԱՓԱՉՅԱՆ

Հ Ա Յ Ի Ե Ն Ի Ք Ի Ս

Երգել եմ քեզ, հաճախ երգել՝ որպես անուշ, որպես երազ,
Տենչանքների ծնունդ շքեղ, դու ոսկեափ Եղեմ անհաս,
Անգո կայան երանության, ուր պիտի գա մի օր հոգիս
Խոնջանք փնտրել, ազատ շնչել ու վերջ գտնել խուլ մորմոխիս...

Այնքա՛ն, այնքա՛ն արտասվել եմ ես քեզ համար, քո ցավի հետ,
Երբ ապաստե՛ր մարդկանց զրկում զգացել եմ ես ինձ օտար,
Երբ զրկանքի ֆամին փչել ու տարել է ինձնից անհետ
Լույս հավատը քո զարթոնքի և իմ հույսը անմխիբար:

Կուրծք եմ տվել տառապանքի մրրիկներին աշխարհացրիվ
Ու կասկածի խավարի մեջ խարխափել եմ անօգնական,
Հաճախ ընկել, կրկին կանգնել, հաղթել, պարտվել եմ անհաշիվ,
Քե՛զ եմ երգել, քե՛զ ողբացել, քե՛զ տենչացել, ի՛մ Հայաստան:

Ու երգում եմ, նորից երգում քե՛զ, Հայրենի՛ք իմ փառակերտ,
Դու ապրում ես, կաս երկնի տակ քո մեծ սրտով միլիոնատուրով,
Մեր կապն այնքա՛ն է հարազատ, այնքա՛ն ամուր, այնքա՛ն է սերտ,
Ու ես ձուլվում եմ, տե՛ս, քեզ հետ ու չեմ լինի այլևս որք:

Սիրում եմ քեզ անհուն սիրով, ո՛վ մարմնացած երազ շքեղ,
Եվ երգում եմ քո կյանքը նոր, ստեղծագործ նիզդ խաղաղ,
Էլեկտրավազ խոյանքն անհաս քո կերտումին երկնասլաց,
Քո՛ հնավանդ մշակույթի վերափրկումն անհախճերաց,

Մկանակոտ տղաներիդ աշխատանքի խանդն առնական,
Մերկավարս աղջիկներիդ անկասելի Լուսնոյր ժիր,
Խաղաղատենչ մարտիկներիդ հայրենապահ ուժն հաղթական,
Ու լուսամիտ ֆերոդներիդ ֆանֆարախույզ հանճարն անձիր:

Ու տենչում եմ միախառնել նրանց ջանքին արգասավանդ,
Ո՛չ լաց ու կոծ, ո՛չ վիշտ ու ցավ, այլ տնադարձ երգ ու եռանդ,
Կարոտավառ հոգիս պարզած լայնածածան դրոշի նման,
Զգտում եմ քե՛զ, քե՛զ հետ ձուլվում, ի՛մ Հայրենիք, ի՛մ աննման:

Պիպիկիվ





Մ. ԷՍԿԻՃՅԱՆ

ՀԱՅՐԵՆԻ ԵՐԿԻՐ

Քու կոչին, երկի՛ր, ունկնդիր եմ ես,
Թող անհագ լսեմ, լսեմ հրեմագին
Հնչյուններն անուշ ուրախ քու ձայնին
Եվ կարկաչումը լեզվիդ այդ վես:

Սուրբ, վերածընած, անուրջն երկիր,
Թումե՛ իմ սրտի խոցերը այս խոր,
Անմար արևիդ շողով լուսավոր
Ողողե՛ հոգիս հեզ ու վշտակիր:

Կր տենչամ անցնին օրերն իմ դժնի,
Եվ քու առօրյան տեսնեմ ես հավետ.
Կր տենչամ մոռնալ կյանքս դառնադետ՝
Ընկած կարոզին գիւղը մայրենի:

Հավերժող երկիր, ո՛ն, արևե՛ ինձ,
Ավետե՛ դու ցող, ավետե՛ զարուն
Թառամած, գունատ իմ ծաղիկներուն
Եվ հանգստություն հոգվույս այս անրիժ:

Քու կոչին, երկի՛ր, ունկնդիր եմ ես,
Թող անհագ լսեմ, լսեմ հրեմագին
Հնչյուններն անուշ զրվարք քու կանչին
Ու վերադառնամ ես կարոտակեզ...

